

中庸勝唱

維摩精舍叢書
之三 商衍濬題



中庸勝唱

維摩精舍叢書
之三 商衍濬題



(下)

上海書店出版社

圖書在版編目 (CIP) 數據

中庸勝唱 / 袁煥仙講述, 南懷瑾等整理. —上海:

上海書店出版社, 2016.1

(維摩精舍叢書)

ISBN 978-7-5458-1215-2

I. ①中… II. ①袁… ②南… III. ①儒家 ②《中
庸》—研究 IV. ①B222.15

中國版本圖書館 CIP 數據核字 (2015) 第 316879 號

中庸勝唱卷下

第五章 一趣中庸

第一節 總論

萬派朝宗到頭原匯一海五燈共燄徹底寧趨二途
岐路堪悲篤行斯尙故次踐履而曰一趣一趣者忘
二邊絕中道無奇異之可名無平庸之可形理無勝
劣義失淺深寄短於長位高而下一是非齊小大當
人必遊之的徑三乘入德之共程然行人於此每生
二障一自許二競異總評章悉舉也然亦有遠乎此
障逸然達寢不假階梯遂爾及奧者乎曰有古德云

雲門乾矢橛全超法報化無事出山遊百錢杖頭掛
雖然不啐地折曝地斷卽程子所謂一旦豁然貫通
者而云云寤語也檢之檢之慎勿閉戶而王

第二節 經文

朱註第十一童子曰素隱行怪後世有述焉吾弗爲
之矣君子遵道而行半塗而廢吾弗能已矣君子依
乎中庸遯世不見知而不悔唯聖者能之

一釋字

素 說文作縻白緻繒也从糸叒取其澤也桑故切
朱註曰素按漢書當作索蓋字之誤也索隱行

怪言深求隱僻之理而過爲詭異之行也今註
曰素質也本也

二通義

朱子曰素當作索求也言深求隱僻之理而過爲詭
異之行此義余是而嫌其未竟何也索隱行怪詭跡
易彰愚尙能辨和者鮮也和旣鮮害焉巨此謂素質
也本也非索非求也蓋怪行隱於本素智而難測從
者眾也從者眾禍斯烈尙無大人者出闢而正之以
盲引盲天下夢然從風後世翕焉歸化人倫失序社
會不軌禍可問乎春秋無孔子少正卯千古聞人戰

國失孟軻陳仲子一世廉士是非失經大道何揭
才有是非紛然失心行人屈此不欣奇異便困平常
是非名判吉凶立形困於常則勝境莫至功每虧於
一簣事或廢自半途欣於異一德每愆萬行多戾詎
曰索隱行怪抑亦絲路悲途然則遵何道乎曰一道
一何道曰中庸之至道蓋中庸者事離平異理絕是
非無斯不服悉舉咸宜競秀萬行歸咸一趨故曰一
趣

上云是非失經大道何揭又此云才有是非紛然失
心自語相違乎曰否否上之云者蓋未入德或入而

不至非履乎中庸者也若而人焉倘不精檢是非愛
河何度古曰度河須用筏旣入德或入而至已達乎
中庸者必曰是非精檢是到岸猶借舟也總之此中
庸者當人必親證肆口工心萬刼不至詎語言能詮
意識能緣乎旣親證已是亦得非亦得不是不非卽
是卽非總得遯世不見知而不悔亦得悔亦得企此
卽聖人非聖人而企此矣若曰必聖人而企此是凡
夫無分也凡夫無分然則說此中庸者爲聖人而說
不爲凡夫而說豈理也哉夫食因饑而食今日食因
飽食非饑者食惑乎非歟故曰語證則不可示人說

理又非證莫了

第三節 拈提

唐牛頭法融者學通經史雅賅儒典後落髮住牛頭山幽棲寺北巖之石室有百鳥銜花之異貞觀中四祖道信入山訪之見師端坐自若曾無所顧祖問曰在此作甚麼融曰觀心祖曰觀是何人心是何物生曰毒毒曰毒毒曰毒融無對便起作禮曰大德高棲何所先生曰可先生曰笑先生曰拋先生曰綸處金鱗先生曰祖曰貧道不決所止或東或西融曰還識先生曰道信禪師否祖曰何以問他融曰向德滋久冀一瞻禮祖曰卽貧道也融曰因何降此祖曰特來相訪莫

更有宴息之處否融指後面曰別有小庵遂引祖至

庵所遶庵惟見虎狼之跡

先生曰不識閔顏富焉知石王貧

祖乃舉

兩手作怖勢

先生曰作家宗師宛爾不同

融曰猶有這箇在

先生曰逢

人且說三分話未可全拋一祖曰這箇是甚麼融無

片心

四祖四祖我爲你呼冤

語先生曰胡思少選祖卻於融宴坐石上書一佛字

先生曰喚你

融覩之竦然

先生曰然爲禮也

祖曰猶有這箇

在先生曰好

融未曉乃稽首請說真要

先生曰食他唾餘作麼

祖曰夫百千法門同歸方寸沙河妙德總在心源一

切戒門定門慧門神通變化悉自具足不離汝心一

切煩惱業障本來空寂一切因果皆如夢幻無三界

可出無菩提可求人與非人性相平等大道虛曠絕
思絕慮如是之法汝今已得更無闕少與佛何殊更
無別法汝但任心自在莫作觀行亦莫澄心莫起貪
嗔莫懷愁慮蕩蕩無礙任意縱橫不作諸惡行住坐
卧觸目遇緣總是佛之妙用快樂無憂故名爲佛師
曰心旣具足何者是佛何者是心祖曰非心不問佛
問佛非不心師曰旣不許作觀行於境起時心如何
對治祖曰境緣無好醜好醜起於心心若不強名妄
情從何起妄情旣不起真心任徧知汝但隨心自在
無復對治卽名常住法身無有變異牛頭聞已大悟

言下

先生曰你說一句良心話悟個甚麼若言有悟平地吃撲若言無悟何年返屋住後與黃梅并挺高譽從此百鳥亦不銜花虎狼已不縱橫師乃躬自於百里外負米供眾瞎漢瞎漢這便是大人先生擇乎中庸而入一趣的好樣子他又何曾說奇說異說陰說陽說取坎說填離來融師乃於百里外負米供眾他又何曾妝點臭架子擺點濫套頭目示雲漢不顧他人廢自半途來負米必躬親且遠在百里又何曾使喚六丁六甲驅役甚麼神鬼來行人行人這便是不廢

半塗不素隱行怪而一趣乎中庸的好楷範反此豈
君子之行歟所以說牛頭在未見四祖前未免被他
百鳥和虎狼伺出箇漏竇既見四祖後不但百鳥和
虎狼窺他不破卽無數天無數魔無數聲聞緣覺菩
薩佛等盡未來際亦窺他不破又不但無數魔無數
天無數聲聞無數緣覺菩薩佛等盡未來際窺他不
破卽彼牛頭融者窺彼牛頭融自己亦不能破何也
先生以目顧示大眾良久乃曰千山月釀楓林醉一
枕秋饒桂院涼

復曰一數之始書曰咸有一德又惟精惟一禮記禮

運曰欲一以窮之老子曰道生一一生二余固曰成於一敗於二事以專工業以紛敗自昔然也中庸之立一趣意在斯乎意在斯乎然執一而不通變嗜岐而不專工入德之病障道之愆矣昔宋有永明壽者慮學人各封己說大道失通於焉啟層樓館開士決擇微言去取邪正一時的向翕然從風所謂軌萬有之一趨啟眾生之一德者也昌明宗旨如日麗天而提倡淨宗四偈至今成爲極大窩曰吁聖如永明猶羅斯咎立言之難爲如何乎近來學人每每以此四偈叩余余皆不答或不得已乃隨書數字與之爲窩

曰爲醍醐幸仁者善自檢焉語曰四偈煌煌耀古今
行人到此每沈吟萬緣非有休狂趁一物也無何處
尋戲把枯桐收作樂權將黃葉指爲金等閒透過成
虧話好聽清宵昭氏琴

先生說是語已色霽聲和笑而謂眾曰會麼眾曰不
會

先生曰不會更好何也不會我說的便是一趣中庸
若會便成了中庸一趣說我了下座

第六章 徧行中庸

第一節 總論

日月經天崖穴猶嫌明而不徧矧乃勰天下之大和
泛中庸之的軌行忘多德墟拘一隅可乎慮行人奮
志而勞也爰立一趣倘學者役神而囿寔舍徧行故
次一趣曰徧行徧行者曰智曰愚曰遠曰近曰富貴
曰貧賤曰患難曰上下無一行之不徧然亦無一德
之不全德之全卽行之徧行之徧實德之全故永嘉
覺曰一月普攝一切水一切水月一月攝事固洞乎
環中形必忘於相外者也倘滯殼於絲忽迷封於毫
釐乃小人之細行詎大人之通徑章次第六安立徧
行意在斯乎意在斯乎

第二節 經文

朱註第十二章君子之道費而隱夫婦之愚可以與知焉及其至也雖聖人亦有所不知焉夫婦之不肖可以能行焉及其至也雖聖人亦有所不能焉天地之大也人猶有所憾故君子語大天下莫能載焉語小天下莫能破焉詩云鳶飛戾天魚躍于淵言其上下察也君子之道造端乎夫婦及其至也察乎天地朱註第十三章子曰道不遠人人之爲道而遠人不可以爲道詩曰伐柯伐柯其則不遠執柯以伐柯睨而視之猶以爲遠故君子以人治人改而止忠恕違